

中醫百日通

中國醫藥
入門叢書
喉科入門

上海
中西醫藥書局印行

叢書
總目

診脈入門 內經入門 女科入門 外科入門【附疔科】
 辨舌入門 金匱入門 產科入門 傷科入門
 藥性入門 傷寒入門 痘科入門 喉科入門
 湯頭入門 溫病入門 幼科入門 眼科入門

中國醫藥
入門叢書

喉科入門

上海中西醫藥書局印行

【新著】民族英雄 通俗歷史 長篇小說

戚紀光將軍平倭傳

△愛國志士……不可不讀
△各圖書館……不可不備

三國志，說岳傳，平倭傳，中國民族三大奇書。

明朝戚紀光將軍，蕩平倭禍，倭寇聞名披靡，詳載史籍，歷歷可考。中國民族英雄，足與關羽岳飛鼎足而三。本書編者金鐵齋先生，博學士也，鑒於近今倭患日侵，憾無戚將軍以平之，爰廣採將軍禦倭事蹟，集史冊之紀載，及私家之筆錄，著成長篇通俗演義小說部，情節緊湊，可作武俠小說讀，可作歷史小說讀，希望讀者把書中抗倭事蹟，於茶坊酒肆公眾場所，廣為宣揚，俾民族英雄事蹟，普及民間，庶不負編印此書者一番苦心也。

△價目▽

全書一百大回

定價洋五元

減售二元五角

上海望平街中西書局發行

中國醫藥入門叢書 喉科入門 目錄

【一】陳若虛咽喉虛實論

【二】喉科紫珍集指南賦

【三】喉科指南賦方治歌括

金鎖匙

清咽利膈湯

通關散

本藥

祕藥

荊芥敗毒散

塗方涼膈散

瀛洲學士湯

三黃湯

千金內托散

生肌散

金箍散

黃連瀉心湯

二陳湯

補中益氣湯

【四】曹心怡喉痧正的

一·喉痧源流總論

一一·論因

三·論證

四。論脈

五。論治

六。驗舌

七。申禁

八。善後

九。防先

十。喉痧條治

十一。喉痧病備用各方

【五】耐修子錄白喉治法忌表抉微

一。洞主仙師前論 答耐修問

二。洞主仙師後論 答乙醫某生問

三。白喉治法養陰忌表歌括

〔一〕陳若虛咽喉虛實論

夫咽喉皆言屬肺。予言雖屬於肺。然所致有不同者。自有虛火實火之分。緊喉風慢喉風之說。又咽爲心肺肝腎呼吸之門。飲食聲音吐納之道。此關係一身。害人甚速。故曰走馬看咽喉。不待少頃也。假如虛火者。色淡微腫。脉亦細微。小便滑白。大便自利。有因思慮過度。中氣不足。脾氣不能中守。虛火益致上炎。此症先從咽喉乾燥。飲食妨碍。咳嗽痰涎。呼吸不利。斑生苔蘚。壘若蝦皮。猶如茅草長刺喉間。又如硬物噎於咽下。嘔吐酸水。噦出甜涎。舌生白苔。唇如鑿色。聲音雌啞。喘息多痰。以上數症。皆由虛火元氣不足中來。治此不可誤。投涼藥。上午痛者。屬氣虛。用補中益氣湯。加麥

冬五味牛蒡元參。午後痛者。屬血虛。用四物加黃柏知母桔梗元參。如服不愈。加香附爲引導。亦從治之法也。而實火者。過用醇醪。膏粱厚味。疊褥重裘。哺食辛熱。多致熱積於中。久則火動痰生。發爲咽腫。甚則風痰上壅。咽門閉塞。少傾湯水不入。聲音不出。此爲喉閉。緊急喉風。用藥療總緩。急用針刺喉間。發泄毒血。隨用桐油鵝翎探吐稠痰。務使痰涎毒血出盡。咽門得開。湯藥可入。語聲得出乃止。服清咽利膈湯。疎利餘毒。如牙關緊閉。難以針刺。先刺少商出血。關閉自開。倘如針刺無血。探出無痰。聲如拽鋸。鼻掀痰喘。湯水不下。言語不出者。死症也。又有喉癰。喉痺。乳蛾。重舌。懸癰等症。患雖腫而咽門半塞半開。痛雖凶而喉道有寬有緊。此皆標病無妨。用金鎖探吐痰涎。利膈湯推蕩積熱。膿脹腫痛者刺之。喉膿損而痛者益之。其患自安。凡喉閉不刺血。喉風不探痰。喉膿不放膿。痺蛾不金烙。皆非

法也。若有痰火勞嗽咽痛啞音者難治也。

〔二〕喉科紫珍集指南賦

喉風之症怎生醫。口噤先針四穴宜。

喉風之症。皆因過飲醇酒。膏粱厚味。疊褥重裘。多食辛熱。或感天氣炎酷。以致積熱於中。是以熱則生風。風能動火。火動痰生。發爲咽症。甚者風痰上壅。咽門閉塞。湯水不入。聲音不出。口強身強。手足反張。此爲緊喉風是也。用藥不及其事。先用溫湯洗和手足。用三稜針兩手少陰陽四穴。出血行氣。有血可治。無血難醫。或黃白水者亦難治之。

鼻中吹入通關散。

刺四穴之後。再用珍字內諸方。或如通關散。類吹入鼻中取嚏。則牙關自開。方可行探吐痰法。

喉內風痰探吐之。

口噤已開。則內必有稠痰壅塞。必再用珍字內諸方。如元明醋之類。探吐痰涎。務使痰毒出盡。咽門得開。湯藥可入。語言得出爲度。如探吐無痰。聲如拽鋸。鼻掀痰喘。湯藥不入。語聲不出者。必死。

刺用溫湯噙漱淨。追風本藥合間吹。

探吐之後。用溫湯漱淨。以追風散。神字內本藥相合而吹之。患處少頃。用小刀點刺。

用針刺腫處。深淺要隨機。

吹藥片刻。用捺舌捺定。仔細看明腫處。用小刀刺破出血。須看腫之輕重。用刀之淺深。如或太淺。惡血出之不盡。腫仍不能消。若使過深。則惡血雖盡。良肉反傷。更加痛苦不堪。且難以收斂。必須看症之輕重。用刀

之淺深。在乎隨機權變。不可以寡見膠固也。

血出方爲妥。溫湯漱祕吹。

下刀之後。待膿出盡。用溫湯漱淨血。以祕字內祕藥之類。吹於患上。其水不可太熱。熱則恐其動火。又不可太冷。冷則血凝不出。須得溫湯。庶無差誤也。

舌上白苔生刺。薄荷擦洗休遲。

舌乃心之苗。心火既熾。舌上紅破。被火冲蒸。必生白苔。或生黃刺。甚則黑刺。先刮舌刺。刮過用蘚薄荷搗爛。以青麻布包之。擦洗舌上令淨。吹祕字內等藥於上。內服三黃湯。

厥逆不知人事。湧泉敷貼茱萸。

凡喉風等症。四肢厥冷。口噤身強。乃火極而似水。急用吳茱萸末。醋調

貼足底心。引火下行。

此爲治標之則。療本因症而施。

治標者。探痰出血也。其喉風急症。風痰壅塞。須臾不救。頃刻人亡。治者必先行前法。急救豈可執以藥劑哉。治標之後。再觀病起之由。詳體之虛實。尋火尋痰。隨機用藥。以治其本。必先治其標。而后治其本。經云。急則治其標之謂也。

發熱惡寒。須用荊防解表。

初起咽喉腫痛。寒熱交作。頭疼拘急。邪在表也。須用回字荊防敗毒散之類。加減服之。以散外邪。然後治其喉。不可驟用三黃涼膈下。致使外邪未去。中寒又生。反爲受害。須分表裏治之。庶無差誤。

口乾便閉。可將涼膈下之。

初起發熱。脉數有力。口乾便閉。邪在內也。宜下之。用生字內涼膈散之類。疎通內熱。其痰自然愈矣。

二症並見。兩法兼施。

如初起已上二症並見。寒熱口乾作渴。脉洪大有力者。宜發表攻裏。用防風通聖散之類。

上焦積熱。清咽利膈偏有效。

上焦火甚。咽喉腫痛。無表裏之症。先行探吐。次用刀針。內服清咽利膈。蕩滌積熱。若更覺咽痛。吹祕服此藥而愈。不用刀針而亦愈。

喉腫不消。瀛洲學士獨爲奇。

喉蛾喉風等症。一二日之間。掀腫疼痛。已經下刀。腫仍不消。用瀛洲學士服之。若過六七日者。不必用此。宜千金內托散。詳見下文之列類之。

抑諸火。須用三黃涼膈散。

五臟之火。各有不同。且如心火盛。則口苦舌乾。所生者重舌木舌懸丁之類。須用黃連木通以瀉心經之火。脾火盛。則口乾而臭。見症則唇裂口乾。滿口糜爛。臭穢難聞。牙疳牙宣之類。須用白芍石膏大黃。以泄脾胃之火。肺火盛。則口辣咽乾音啞。痰嗽咽痛。須用麥冬山梔黃芩桔梗。以清肺火。腎無實火。虛火者多。見症則咽疼不紅腫。至晚劇甚。微微發熱。脉虛無力。須用四物湯。加知母黃柏桔梗元參。滋陰降火。肝火盛。則口酸牙關緊急。喉風牙疳之類。宜用柴胡川芎之類。洩其肝火。亦有兼之諸症。要隨症加減。不可拘執。以致實實虛虛之禍。可不慎哉。

化風痰。必尋加減二陳湯。

風痰壅塞。探吐之後。用二陳湯加減。如風痰。加南星。白附牙皂薄荷竹

瀝之類。熱痰。加石膏知母貝母花粉黃芩之類。寒痰。加香附烏頭陳皮白附之類。須要順氣之藥佐之。書云。化痰以順氣爲先。順氣則痰消。此之謂也。

五日不消。宜照千金內托。

喉蛾喉癰重舌等症。初起失於療治。已經五日。必欲作膿。不可服寒涼消毒之劑。以圖內消。竟不知內膿已成。而服寒涼凝其血氣。膿反難成。宜服千金內托。待膿熟方可針之。如人畏針。用通關散吹入鼻中。而內膿自出矣。

膿成刺破。必吹祕合生肌。

內膿已出。用溫湯漱淨。用祕合生肌散時時吹於患上。不可對風言語。及食米粳等物。恐嵌入瘡口。難以收斂。凡飲食之後。必用溫湯漱淨。庶

無嵌爛。患宜寧神固氣。毋犯房勞。直待收斂全好。方無後患。不然。致生頑症。起發於無時矣。

頰下腮頰掀腫。金箍散附堪奇。

上焦風熱。致使腮頰紅腫。及兜腮癰。炸腮等症。外用金箍散敷之。內服學士湯。解毒驅風散。清肝流氣飲。選而用之。其法妥當。

喉中腐爛。臭穢難堪。瑤池露時時嚙漱。祕藥末加麝頻吹。

喉疳之類。臭腐不堪。用瑤池露。或水底冰。嚙口拔毒。漱淨吐去。以祕藥加入中白冰片。麝香生肌散吹之。以解穢氣生肌解毒。又有嚙間頑瘡。愈而復發。無期。治者用刀去血。火燻銀鐵烙之。

內服瀛洲學士。外吹均祕生肌。

喉蛾喉疔等症。愈而復發。或半年。或一載。發一次。或不時常舉。無有了。

期。治者吹祕用刀刺血。逐日如是。去盡紫血。方擇吉日用銀烙烙之。重者七烙五烙。輕者三烙。內服學士湯。加流利之藥。外先吹均藥。後吹祕藥。加生肌散收口。須要忌口百日。患將平息方好。

若遇蓮花重舌。須刺金津玉液。

蓮花墊舌。重舌木舌。舌癰之類。俱宜刺金津與玉液二穴出血。

忌傷舌下三筋腫處。亦當去血。

舌下三筋。不可誤傷。傷之則血流不止。其舌除三筋不可。餘有腫紫之處。亦宜用針去血。豈可專執金津玉液二穴哉。惟在隨機權變而已。

內服黃連瀉心。七日有膿須別。

舌乃心之苗。皆因心火上冲而起。用黃連瀉心湯治之。若經四五日。內膿已成。不得內消。則宜服千金內托散托之。七日之後。其膿方成。不可

早用針刀。須待膿熟。針之。膿隨刀出。方妙。是以有先後之別。不可不知。虛火咽疼。不腫不紅不壅塞。

虛火咽疼。皆由思慮過多。勞傷太過。中氣不足。脾氣不能中守。虛火易炎。以致咽喉疼痛。色淡微腫。脉亦細微。小便澀。大便自利。咽喉乾燥。飲食妨碍。咳嗽痰涎。嘔吐酸水。噦出甜涎。呼吸不利。斑生苔癰。壘若蝦皮。有如茅草。長刺喉中。又如硬物。咽於咽下。甚者舌生白苔。唇生皸色。聲音雌啞。喘息多痰。以上等症。皆出於虛火。中氣不足。雖無口噤。反張壅塞之險。抑且不能立時取効。能有緊守衛生之道者。方爲可愈。欲究其法。詳見下文。

治非實例。忌寒忌刺。忌攻風。

前言虛火之症。宜治其本。不可擅用刀針。輕投涼劑。目今世人。見有喉